



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Nga mbledhja urgjente e Kuvendit Komunal të Rahovecit, e mbajtur më **22.12.2021**, me fillim në ora **16:00**. Mbledhjen e kryesoi anëtari me i vjetër i Kuvendit z. **Rasim Fazliu**. Konstatohet se **kuorum** për mbajtjen e mbledhjes kemi, fillimisht e përshëndes Kryetarin e Komunës z. **Smajl Latifi**, anëtarët e kuvendit komunal përfaqësues të mediave dhe gjithë të pranishmit në sallë. Sot e kemi një pikë të rendit të ditës.

REND DITE

RAHOVEC /ORAHOVAC

Njësia Nr./Br./No 01 (Kuvendi i Komunës)

Nr./Br./No 01/261 Nr. i faq./Br.str./No.pg 2

Data/Datum/Date 20 / 01 / 2022

1. Zgjedhja e Kryesuesit të Kuvendit të Komunës së Rahovecit.

Të nderuar anëtarë të kuvendit, kërkoj nga grupet politike që të japin emrat e kandidatëve për kryesues të kuvendit.

Fatmir Iska - I nderuari kryesues i seancës, kryetar, kolegë asamblistë, ne përsëri si grup më i madh politik në kuvend e propozojmë z. Afrim Dina si kandidat për kryesues të kuvendit, që ju ftojme të gjithëve pa dallim partie me përkrah dhe me votue.

Leonard Morina – Përhëndetje për te gjithë. Grupi i Lëvizjes Vetëvendosje përsëri e propozon z. Defrim Kafexhiu.

Rasim Fazliu – Atëherë meqë nuk kemi tjerë te propozuar, tani duhet te formojmë komisionin prej 5 anëtarëve cili do te përcjell mënyrën e votimit dhe verifikimin e fletëvotimeve për kryesues të kuvendit.

Ali Morina – Si grup i Aleancës për Ardhmërinë e Kosovës e propozojmë z. Feriz Thaqi dhe znjs. Besmire Bytyqi.

Leonard Morina – e propozojmë z. Ilir Pallqa.

Burim Krasniqi – e propozojmë z. Faton Ramadani.

Bejtullah Deliu – e propozojmë znj. Melinda Iska

Isak Hoti – Përhëndetje kryesues i seancës, kryetar, delegatë te kuvendit, media dhe gjithë te pranishmit në sallë. Atëherë siç jemi në dijeni se seanca e rregullt ka shkuar dhe tani jemi në seancë urgjente e cila thirret në bazë të nenit 44 për vetëqeverisje lokale ku cilësohet si mbledhje urgjente. E kemi cilësuar si të tillë për faktin se deri më 3 janar jemi të obliguar me zgjedh kryesuesin, në të kundërtën sipas ligjit komuna jonë duhet të shkoj në zgjedhje. Unë do ta citoj vetëm nenin 44.6, ku thotë se procedurat e lartpërmendura ku flet për mbledhjet e rregullta dhe mbledhjet e jashtëzakonshme, nuk zbatohen për takimet që thirren për shkak të rrethanave urgjente dhe pikërisht për këtë konsiderohet si mbledhje urgjente dhe ne jemi shkuar me procedurë të përsheptuar në konsultim edhe me Ministrinë e Administrimit të Pushtetit Lokal.

Rasim Fazliu – Atëherë nëse sekretaria e kuvendit është gati me fletëvotime dhe nëse po, atëherë e ftojë komisionin që të përgatitën për mbarëvajtjen e e votimit.

Të gjithë anëtarët e kuvendit që janë prezentë votuan dhe tash e ftojë komisionin që te bëj numërimin e votave.

Besmire Bytyqi – Faleminderit kryesues i seancës, komisioni konstaton se nga 29 fletëvotime, një është e pavlefshme, pra 15 Vetëvendosje dhe 13 AAK.

Rasim Fazliu – Meqenëse ne rundin e parë nuk është plotësuar numri i duhur që duhet që të kaloj me 16 vota, atëherë duhet të shkojmë ne rundin e dytë. Tani e ftoj sekretarin që të bëjnë përgatitjen e fletëvotimeve dhe vazhdojmë tutje me votim. Atëherë fillojmë me votimin në rundin e dytë. Tani ftoj komisionin që të komunikoj rezultatet e votimit të rundit të dytë.


Besmire Bytyqi – Faleminderit kryesues i seancës, pas numrit të 29 fletëvotimeve, deklarojmë dhe konstatojmë se 16 vota janë për Lëvizjen Vetëvendosje dhe 13 për Aleancën për Ardhmërinë e Kosovës.

Rasim Fazliu – Konstatojmë se kryesues i Kuvendit Komunal është z. Defrim Kafexhiu, që ftojme për një fjalë rasti.

Defrim Kafexhiu – I nderuar dhe shumë i respektuar ish kryesues z. Afrim Dina, i nderuar udhëheqës i seancës z. Rasim Fazliu, i nderuar kryetar i komunës, sekretari e kuvendit, zyrtar ligjor, nderime dhe respekt për kolegun tonë që po lufton për jetën sot ish asamblistin dhe asamblistin aktual nga LDK z. Masar Popaj, të nderuar anëtarë të kuvendit, monitorues të organizatave, media dhe qytetarë të dashur të komunës se Rahovecit. Sot këtu njeri nga anëtarët e këtij kuvendi u zgjodh kryesues i tij. Anëtarët e kuvendit më besuan mua këtë detyrë. Për mua nuk është privilegj, është pak krenari e shumë përgjegjësi. Krenaria zbehet e përgjegjësia rritet atëherë kur e kuptojmë që këtu jemi për të ju shërbyer qytetarëve dhe jemi të zgjedhurit e tij. Të nderuar të pranishëm, këtu në këtë kuvend, nuk fitoj opozita por zuri vend demokracia. Kjo nuk është as humbje e pozitës pasi votoj shumica. Të nderuar anëtar të kuvendit komunal ju falënderoj për zemërsisht për çdo votë tuajën dhe besimin që me keni dhënë mua. U zgjodha kryesues nga ju por unë jam njëri prej jush. Së bashku do të vendosim dhe do të punojmë për të mirën e qytetarëve të komunës tonë. Bashkë do t'i dalim në ballë të keqes dhe do ta ndalojmë atë. Do ti japim edhe do të krijojmë hapësira për zhvillimin e komunës tonë sepse për atë jemi këtu që të ju shërbejmë qytetarëve e të rrugëtojmë bashkë me ta për një jetë të qetë e më të mirë. Një falënderim të veçantë për opozitën e kuvendit komunal të Rahovecit për unifikimin dhe zgjedhjen e tyre. Një kuvend i unifikuar do të thotë një ekzekutiv përgjegjës, andaj kështu përfitojnë më shumë qytetarët dhe besoj se ky është edhe qëllimi i të dyja palëve. Dhe krejt në fund të gjithë anëtarëve të zgjedhur të kuvendit dhe kryetarit njëkohësisht ju uroj një mandat të frytshëm të mirë e produktiv në shërbim të banoreve të komunës tonë dhe qofshi faqebardhe në këtë rrugëtim. Sinqerisht faleminderit.


Rasim Fazliu – Faleminderit dhe urime kryesues i ri kuvendit komunal dhe juve të nderuar asamblistë ju faleminderit për angazhimin që patet dhe me këtë e përfundoj mbledhjen. Faleminderit.

Procesmbajtësi:


Agim Hoti



Anëtar i mëtejshëm i Kuvendit


Rasim Fazliu